

Þingsályktun

um stofnun Vilhjálms Stefánssonar á Akureyri.

Alþingi ályktar að fela ríkisstjórninni að undirbúa að sett verði á fót á Akureyri stofnun eða miðstöð um heimskautamál sem kennd verði við Vilhjálms Stefánsson og hafi það hlutverk að stuðla að sem öflugustum rannsóknnum innlendra aðila á norðurslóðum og alþjóðlegri þátttöku Íslendinga í málum er varða heimskautssvæðið.

Stofnunin eða miðstöðin, sem heyrir undir umhverfisráðuneytið, verði að stofni til kostnað af íslenska ríkinu en leiti sem víðast fjárhagsstuðnings við einstök verkefni. Hún skal m.a. annast ráðgjöf um norðurmál og eiga samstarf við innlenda og erlenda háskóla og rannsóknastofnanir.

Sett verði á fót undir forustu umhverfisráðuneytis föst samvinnunefnd um norðurmál, skipuð fulltrúum þeirra innlendu stofnana sem hafa með höndum verkefni er tengjast heimskautarannsóknum. Samvinnunefndin velji auk formanns nefndarinnar, sem umhverfisráðherra skipar án tilnefningar, tvo úr sínum hópi í stjórn þessarar stofnunar eða miðstöðvar.

Miðað verði við að starfsemin hefjist í ársbyrjun 1997.

Samþykkt á Alþingi 25. febrúar 1995.